

PETERENÊ papia ñamataña

Peterenê papia ñamataña nec gêjac lau bunja ñawae, tañ enj kêsam êsac gebe Lau jaba, tañ “Anôtô kêjaliñ êsêac sa” nañ. Lau tau sêngôn kêsi-kêsigen aña Asia Sauñ ñagamên gêmu kêsêpña (ñanodoña). Ac sêngôo salin-salin sêsêp lau samuc ñalêlôm. Keto papia tonec gebe ênac sêsamwaga têtac tôn gebe lau sêjanda to sêlêsu êsêac kêtú nêñ sêkên gêwiñ Anôtôña. Kêtu tonañña ñac-ketowaga gêôn Jesu Kilisi nê Ñawae Ñajam sa gêdên êsêac gebe taên ênam to sêkên maten enj, tañ gêmác êndu to gêdi sa ma gêjac mata gebe êmu êmên êtiam nañ. Êsêac tec sêsô nêñ ñandañ ñalabu ma sêôc sêpuc tauñ tôngên gebe sêkên gêwiñ Anôtô tonanôgen ñasaê ten tonañ. Ac taên ênam êtu tôn gebe êndên bêc Jesu Kilisi eoc tau lasêña, oc têtáp nêñ ñagêjô ñawasi sa.

Ketowaga êjam danj lau tau gebe sêôc gêñwapac totêtac êpa sugen ma kêkêli êsêac sêsa nêñ lên têtôm lau, tañ têtú Kilisinê gêñgac nañ.

Ñadênañ

1. Gêjac m papia tau 1:1-2
2. Taêm ênam Anôtô gêjam kêsi ñamoasinj 1:3-12
3. Gêlên binj gebe tamoa todabunjenj 1:13-2:10
4. Daôc ñandañ tapuc Kilisi wagamanj 2:11-4:19
5. Tanam nêñ sakinj todambu tauñgenj 5:1-11
6. Gêjac mata nê papia 5:12-14

Petere awa gêjac lau

¹ Jesu Kilisi nê aposolo aê, Petere, ñoc biñ êndên lau jaba, tañ Anôtô kêjalij êsêac sa sêngôn kêsikêsigen anga Pontu to Galatia ma Kapadokia to Asia ma Bitunia nañ.

² Tamenj Anôtô taê gêjam kwananjen, tec kêjalij amac sa ma kêkên Nalau Dabuñ gêwê amac asa lau Dabuñ nêñ lêñ ma tañem wamu Jesu Kilisi to alinj ênê dec e atu selec. Moasiñ to biñmalô êndên amac êwac e ênam amac auc.

Biñ takên matenja

³ Talambij aêacnên Apômtau Jesu Kilisi Tama Anôtô, tañ taê walô aêac gêjam sêga. Enj gêñu Jesu Kilisi anga ñacmatênên sa, tec kêkôc aêac tatu wakuc ma takên maten enj endenj tònjen.

⁴ Enj gêgôm gên tonan gebe tawê kainj gêñlênsêm tenjenja to ñawasi, nañ ê su atom. Anôtô kêmasan gêñlênsêm tau tonan gêc undambê kwananjen kêtú amacña.

⁵ Anôtônê ñaclai gejob amac gebe akên êwiñ e atap moasiñ ênam amac kêsiña sa, tañ enj kêmasan kwananjen gebe êtu awê êndên têm ñamuña nañ.

⁶ Êndên tônê oc atu samuc. Galoc tecenec oc moae gên amboac tonec ênac amac ñawae gebe létôm tokainjtokainj êkên wapac amac têlagenj agom

⁷ e Anôtô ênsaê amacnêm akên gêwiñ tau gebe ñanô. Ñamalac sêsaê gold, tañ kêtôm gebe oc ênaña nañ, ña ja. Ma amacnêm akên gêwiñ, tañ kêlêlêc gold tonan su nañ, oc êtap saê sa amboac tonan, gebe êwaka tau sa gebe gên ñanô tenj. Ma êndên tañ Jesu Kilisi eoc tau lasê nañ, amac atap lambinj to ñawasi to waem sa.

⁸ Nac tau tonañ amac alic enñ atom, mago têtmtac gêwiñ enñ. Amac matemanô kêpi enñ galoc atom, mago akêñ gêwiñgenj e atu samuc enñ totêtmtac ñajam ma totêtmtac wapigenj nanj. Njamalac sêwa biñ tonañ ña jakêtôm atom.

⁹ Amac atu samuc gebe atap nêñ akêñ gêwiñ ñañanô sa. Nñanô tau moasiñ ênam katôm kêsiña.

¹⁰ Moasiñ tau tonañ propete sêsôm to sêkip ñam sa ma seoc moasiñ ênam amac kêsiña, tañ amac atap sa nanj lasê.

¹¹ Kilisinê Njalau, tañ gêmoa êsêacnêñ ñalêlôm nanj, geoc lasê gebe Kilisi êôc ñandanj e su acgom, go êmoa tonjawasigenj. Êsêac sebe sêkip biñ tonañ ñanoc sa gebe êmêñ êndêñ ondoc ma êmêñ amboac ondoc.

¹² Anôtô geoc lasê gêdêñ propete tonañ gebe biñ tonañ ênam êsêac taunj sa atom, ênam amac sa. Lau tañ sêsôm ñawae ñajam gêdêñ amac sêsôm bi ñ, tañ propete sêwa sa nanj, lasê gêdêñ amac. Ma Njalau Dabunj, tañ Anôtô kêsakiñ anja undambê gêmêñ nanj, kêpuc êsêac tôñ. Njawae tonañ anjela taunj têtù kêka-kêka ñanô gebe sêjala sêwiñ.

Anôtô kêkalem aêac gebe tasa lêñ dabunj

¹³ Amboac tonañ amansañ nêñ kauc ñajana êsa ma nêñ ñalêlôm tekwem sakigenj, ec akêñ matem moasiñ, tañ Jesu Kilisi eoc tau lasê ma êkêñ êndêñ amac nanj.

¹⁴ Atôm Anôtônê ñapalê tañem wamuña, ma têtmtac ñakalac, tañ kêkac amac gêdêñ tañ nêñ kauc kêsa atomgenj nanj, ênam gôliñ amac êtiam atom.

15 Atôm ñac dabuñ tau, tañ kêkalem amac nañ, ma asêlêñ to asa nêñ lêñ samob atôm lau dabuñgeñ,

16 gebe teto biñ gec gebe “Amac atu lêu dabuñ, gebe aê tauc dabuñ.”

17 Amac embe awem ênac Anôtô, tañ êmêtôc ñamalac êndêñ-êndêñgeñ atôm nêñ kolengeñ ma êpuc open ñac teñ atom nañ, ma embe asam eñ gebe Tamemi, go asa nêñ lêñ toatêc eñgeñ êtôm têm amoa gamêñ jaba tonecña.

18 Amac alicgac gebe awa, tañ ê su amboac gold to silber nañ, kêsi amac su aña lêñ sec, tañ gelom amac aña abeminêñ nañ, ma mênjamo a nêñ lêtêgeñ nec atom.

19 Kilisinê dec kêtú awa ñanô tau, tec kêsi amac su. Eñ kêtôm domba ñabiñmê to ñajamanô teñ,

20 Anôtô kêjalij eñ sa gêdêñ tañ kêkêñ undambê to nom atomgeñ nañ, tec kêkêñ eñ mênkêtu awê gêdêñ têm ñamuña tonec kêtú amacña.

21 Eñ kêkêñ amac akêñ gêwiñ Anôtô, tañ gêñu eñ sa aña ñacmatênêñ ma kêkêñ ñawasi gêdêñ eñ nañ. Amboac tonañ amac akêñ gêwiñ to akêñ matem apen Anôtogeñ.

22 Amac tañem wamu biññanô, tec gêgôm amac katôm ñawa kêsa ma gêgôm amac têtmac gêwiñ la-sitêwai ñanôgeñ. Amboac tonañ akêñ têtmac gêwiñ elom tau tonêm ñalêlôm samucgeñ.

23 Amac atu wakuc ñam kêsêp ñawê, tañ ênaña nañ atom, kêsêp ñawê, tañ ênêc ñapan. Ñawê tau Anôtônê biñ mata jali, tañ ênêc teñgeñ nañ,

24 gebe

“Ñamalac samob têtôm gêgwan,

ma nêj ηawasi samob kêtôm gêgwan ηaola.
Gêgwan kê mêliñ,
ma ηaola kê sêlô.

²⁵ Mago Apômtaunê biñ oc ênêc tengeñ.”

Ma biñ tau tonañ ηawae ηajam, nañ sêsôm gêdêñ
amac.

2

Poc mata jali to lau dabuñ

¹ Amboac tonañ akwalec nê m biñ sec totau-
totau to biñdansañ samob ma ajam biñ auc to
têmtac sec ma biñ gêga samob su.

² Atôm ηapalê dedec, tañ têtanj su nañ, ma atanj su
ηanô mêtê ηawa tau, gebe atôp atu kapôêñ e atap
moasiñ ênam amac kêsiñja sa.

³ Amac asaê sugac gebe Apômtau eñ ηajam.

⁴ Amac andêñ poc mata jali, Apômtau tau, ana.
Ŋamalac têtinj eñ siñ su, mago Anôtô kêjaliñ eñ sa
ma gêlic eñ amboac poc awamata ηanô teñ.

⁵ Ma Anôtô êkwê amac sa amboac poc mateñ jali
atu Ŋalau Dabuñ nê andu to atu dabuñwaga dabuñ,
gebe akêñ da ηalêlômñja, tañ ênac Anôtô mataanô
ηajam êtu Jesu Kilisiñja,

⁶ êtôm teto gêc gebe

“Alic acgom, aê kajaliñ poc awamata ηanô teñ sa
kêtu poc kêclêsuñja
ma kasuñ kêkô Sion.

Ŋac tañ kêkêñ gawiñ eñ nañ, oc ênañja atom.”

⁷ Poc tau tonañ kêtu amac akêñ-gêwiñ-waga nê m
awamata ηanô. Mago êndêñ êsêac, tañ sêkêñ gêwiñ
atom nañ,

“poc tañ lau-sêkwêwaga sêbaliñ siñ nañ,
kêtu poc kêcñsuñja,”

8 ma

“kêtu poc sêndiņ enkaiņ êpiņa

to poctêna êngôm lau têntac êmbôli aucņa.”

Êsêac taņ sêkêņ gêwiņ Anôtônê biņ atom naņ, dêdiņ enkaiņ kêpi poc kêtôm Anôtô kêmasaņ ņabiņ kwananņeņ.

9 Mago amac atu gôlôac, taņ Anôtô kêjaliņ sa naņ. Amac atu kiņnê dabuņwaga to lau dabuņ m teņ. Amac atu Anôtônê lau solop, tec asôm ņac, taņ kêkalem amac aņga ņakesec adêņ ênê ņawê kaiņ teņ aja naņ, nê gêņtalô ņawae lasê.

10 Gêmuņgeņ atu Anôtônê lau atom, mago galoc atu ênê lau. Gêmuņgeņ amac atap Anôtônê taê walô sa atom, mago galoc eņ taê walô amac.

Tasa lêņ êtôm Anôtônê sakiņwaga

11 O lauace, aê jalêņ biņ amac, taņ amoa amboac lau waba to lau jaba naņ, êņgamiņ taôm êndêņ têmtac ņakalac, taņ gêjac siņ gebe enseņ katôm su naņ.

12 Asa nêմ lêņ amoa lau samuc ņalêlôm to-lanômnmêմ sawagenņ. Go êsêac, taņ sêņgôliņ biņ êpi amac gebe agôm secņa naņ, sêsala amacnêմ kolenņ ņajam ma sêlambiņ Anôtô êndêņ bôc eņ êô lasêņa.

13 Asô ņamalacnêņ ņagôliņ samob ņalabu êtu Apômtauņa. Asô kiņ, taņ kêtu ņatau ņamataņa naņ ņalabu,

14 to asô gôliņwaga, taņ eņ kêsakiņ êsêac gebe sêkêņ ņagêjô êndêņ lau, taņ sêgôm sec to sêlambiņ lau, taņ sêjam kôm ņajam naņ, ņalabu amboac tonanņeņ.

15 Gebe Anôtô taê gêjam biñ amboac tonec gebe amac anam kôm ñajam gebe êmbaob lau meloc, tañ sêjam kauc biñ nañ, awenñ auc.

16 Asa lêñ tau amboac lau, tañ Kilisi kêgaboac Êsêac su nañ. Mago kêgaboac amac su ñamoasiñ êtu sec ñasabañ atom. Atu Anôtônê sakinwaga.

17 Atôc lau samob sa ma têtmtac ôwiñ gôlôac, tañ têtetu nêmm lasitêwai nañ. Atêc Anôtô ma atoc kin sa.

Kilisi gêoc ñandañ êtu ñadôñdôñ êndenñ aêac

18 Amac sakinwaga asô nêmm ñataui ñalabu to atoc êsêac sa. Asô ñataui ñajam to wapôm taunğenñ ñalabu atom, asô ñataui keso ñalabu êwiñ.

19 Ñac teñ embe nê ñalêlôm êsap Anôtô tôñ ma êoc wapac êtu biñ tagenñ tonañña, nañ Anôtô oc ênam mec enñ.

20 Embe têtap amac to aoc wapac êtu agôm secña, nañ oc êkênñ amac waem amboac ondoc. Mago embe sêkênñ ñandañ êndênñ amac to aoc wapac êtu agôm ñajamña, nañgo Anôtô ênam mec amac.

21 Kêtu biñ tonañña tec Anôtô kêkalem amac, gebe Kilisi gêoc ñandañ kêtetu amacña. Enñ kêtetu ñadôñdôñ gêdênñ amac gebe apuc enñ waña.

22 Enñ gêgôm sec teñ atom ma têtap biñdansañ teñ sa kêsa enñ awasuñ atom.

23 Êsêac sêbu enñ, ma enñ gêbu êsêac ñagêjô atom. Sêkênñ enñ gêoc ñandañ, mago enñ kêkôtênñ lêma gêdênñ êsêac atom. Enñ gêlinñ nê biñ samob su gêdênñ ñac, tañ êmêtôc biñ ñañênñña nañgenñ gêja.

24 Aêacnênñ sec kêpi enñ tau ôli ma enñ kêkôc sec tau sa kêpi ka gêja, gebe tatu mêtê êndênñ sec, ma matenñ jali êsa êndênñ biñgêdênñ. Ênê sêmm ñamala gêgôm amac ñajam kêsa.

²⁵ Gêmunğen amac amoa amboac domba sêbôm, mago galoc Anôtô gêjam amac ôkwi adêñ ñacgejob, tañ gejob amac katôm nañ aja.

3

Lauo to ñac nêñ biñ

¹ Amac lauo asô nêñ ñaci ñalabu amboac tonanğen. Ñacwaga ñagêdô embe sêkêñ êwiñ Anôtônê biñ atom, go lauo sêsôm biñ teñ atom, nêñ Iênğen êngom ñacwaga sênâm taunğ ôkwi,

² gebe ñacwaga sêlic amac asa nêñ lêñ gêdêñ to atêc Anôtôğen, ec sêndanğuc.

³ Anam gêlônğ taôm ña gêñ dêmôêña amboac mômêmlaunğ ñapoactalô tokainğtokainğ ma anônğ gold ñawasi to asô ñakwê ñajam-ñajam nec atom.

⁴ Anam gêlônğ taôm ña gêñ ñalêlômña, tañ ê su atom nañ. Gêñ tau tonec gebe amoa tonêñ ñalêlôm malô to ñañêñ gebe gêñ tonanğ ñai Anôtô gêlic amboac awamata ñanô.

⁵ Andanğen lauo dabunğ, tañ sêkêñ materñ Anôtô nañ, sêjam gêlônğ taunğ ña awamata tonanğ, ma sêsô nêñ ñaci ñalabu ñapep.

⁶ Sara kêtôm tonanğ. Enğ taña wamu Abraham ma kêsam enğ gebe Ñoc apômtau. Amac embe anğôm gêñ ñajam to atêc gêñ teñ atom, go atu Sara latuio.

⁷ Amac ñacwaga amboac tonanğ. Awiñ nêñ lauo tokaucgenğ, gebe êsêac ôliñwalô kêtôm amac atom. Atoc êsêac sagenğ gebe êsêac sêwê kainğ moasiñ danğônğ materñ jaliña amboac tonanğ. Anğôm genğ tau gebe gêñ teñ êkô amacnêñ mec auc atom.

Daôc ñandanğ êtu biñğêdenğ

⁸ Aê jakatonj ñoc biñ sa amboac tonec gebe Amac samob nêmbiñ elom tau ñajam. Aôc gêñwapac awiñ taôm, têtac êwiñ lasitêwai to atoc taôm sa atom, êkôniñ taômgenj.

⁹ Akêñ sec êjô sec atom ma biñ alôb-alôb êjô biñ alôb-alôb atom, akêñ mecgenj êjô. Taêm ênam gebe Anôtô kêkalem amac gebe awê kainj mec êtu nêmbiñ gêñlênsêm.

Gebe teto gêc gebe

¹⁰ “Ñac tañ têtac gêwiñ gebe êmoa mata jali ma gebe êmoa ñajamgenj nañ, ejop imbêla êndênj biñ sec to gêdôôlic êndênj biñdansañ.

¹¹ Eñ ênac jaê sec to êñgôm gêñ ñajam.

Eñ ensom biñmalô ma êndañguc e naê tôñ,

¹² gebe Apômtau mata kêsap lau gêdênj

ma kêkênj taña nêñ mec.

Mago Apômtau lanô gelo lau, tañ sêgôm sec nañ.”

¹³ Embe añgôm ñajam atu dôbgenj, ma asa oc êñgôm amac atu sec.

¹⁴ Embe aôc gêñwapac êtu adaguc biñ gêdênjña, go aê aoc êoc amac. Ñamalacnênj biñ êtakê to êlênsônj amac atom.

¹⁵ Atôc Kilisi sa aña nêmbiñ ñalêlôm ma akêñ eñ êtu nêmbiñ Apômtau. Amansañ taôm ñapañ e lau teñ embe tetênj amac gebe awa biñ, tañ akêñ matem gêc nêmbiñ ñalêlôm nañ sa, nañgo gaôgenj asôm lasê êndênj êsêac.

¹⁶ Añgôm totêmtac malô ma ajop taômgenj, gebe nêmbiñ ñalêlôm ñajam, ec êñgôm êsêac, tañ sêgôliñ biñ kêpi amac to sêbu amac, tañ asa Kilisinê lêñ ñajam nañ majenj.

17 Anôtô embe taê ênam gebe aôc nandanj êtu agôm njamnja nan, oc njam êlêlêc aôc nandanj êtu agôm secnja su.

18 Kilisi amboac tonanj. Enj gêmac êndu kêtû dim tagenj kêtû aêacnênj secnja. Nac gêdênj gêjô aêac lau gêdênmê su, gebe êwê aêac dandênj Anôtô tana. Êsêac sêjac enj ôligenj êndu, mago Njalau kêkênj enj mata jali kêsa.

19 Ma toNjalaugenj gêja gêjam mêtê njalau, tanj sêngônj kapoacwalô nanj.

20 Gêdênj andanjenj êsêac sêkênj gêwinj Anôtônê binj atom. Anôtô kêsaê êsêac to gê êsêacnênj binj tônj gêdênj tanj Noa gêsô wanj gêmoa nanj. Wanj tonanj gêjam lau 8genj sa selom bu kêsunj natêna.

21 Bu tonanj kêtû busanju, tanj galoc gêjam amac kêsi nanj njadônônj. Busanju tau êkwasiñj natêmui ôlinjja su atom, mago êtu môêc endenj Anôtô gebe êmansanj njalêlôm njawa êsa êtu Jesu Kilisi gêdi sanja.

22 Enj kêpi undambê gêja jagêngônj Anôtônê anônja, ma anjela to njac lai ma njactêkwa sêsô enj njalabu.

4

Tanam tauñj ôkwi ma tasa lêñj wakuc

1 Kilisi gêoc nandanj kêpi tau ôli. Amboac tonanj amansanj taôm e nênj njalêlôm êtôm ênê acgom, gebe nac, tanj gêoc nandanj kêpi tau ôli nanj, sec kêlêwanj enj.

2 Tec njamalacnênj têtêntac njakalac ênam gôlinj amac êndênj têtê amoa nomnja êtiam atom, Anôtônê binjenj ênam gôlinj amac.

³ Gêdêḡ tēm, taḡ gējaḡa su naḡ, amac agôm lau samuc nêḡ biḡ kêtḡ tōḡ, tec kêtômḡac. Amac asa nêm lêḡ mockaiḡo to mockaiḡḡa ma amoa totêmtac ḡakalac. Gêḡ kêjaḡiḡ amac ma aeḡ lasam to anôm anaboa aḡḡoḡ awiḡ taôm to ajam sakiḡ gêdêḡ gwam aseḡ Anôtônê biḡsu su.

⁴ Ma galoc asêlêḡ awiḡ lau samuc ma asa nêḡ lêḡ wauc-waucḡeḡḡa kêtiam atom, tec sêlic sec ma sêsôm biḡ alôb-alôb kêpi amac.

⁵ Mago êsêac oc sêwa nêḡ biḡ sa êndêḡ ḡac, taḡ kêmasaḡ tau su gebe êmêtôc matēḡ jali to ḡacmatê nêḡ biḡ naḡ.

⁶ Kêtḡ biḡ amboac tonanḡḡa eḡ kêsôm ḡawae ḡajam lasê gêdêḡ ḡacmatê gebe êsêac têtap mêtôc sa kêtôm ḡamalac têtap sa, mago ḡalau sêmoa matēḡ jali kêtôm Anôtô ḡêmoa mata jali.

⁷ Gêḡ samob ḡatêku êsuḡa ḡanoc kêdabiḡḡac. Amboac tonanḡ taêm ênam taôm ma aterḡ nêm mec totekwm sakigeḡ.

⁸ Tonec tec tasôm êtu ḡamata gebe akêḡ têmtac gêwiḡ elom tau ḡanôḡeḡ gebe têtac gêwiḡ êḡḡênduc sec samob auc.

⁹ Aḡḡôm ja lau atu môsi atom.

¹⁰ Anam sakiḡ taôm êndêḡ-êndêḡḡeḡ êtôm moasiḡ, taḡ akôc naḡ, ma atu Anôtônê moasiḡ tokaiḡ-tokaiḡ ḡageḡjobwaga ḡajam.

¹¹ ḡac teḡ embe ênam mêtê, naḡ êsôm êtôm Anôtônê biḡḡeḡ. Teḡ embe ênam sakiḡ, naḡ ênam êtôm ḡaclai, taḡ Anôtô kêkêḡ gêdêḡ eḡ naḡ. Aḡḡôm gêḡ samob tonanḡ gebe Anôtônê ḡawasi êsa êtu Jesu Kilisiḡa. ḡawasi to ḡajaḡa êndêḡ eḡ teḡḡeḡ ma teḡḡeḡ. Biḡḡanô.

Daôc nandanj tatôm Kilisine lau

¹² O lauace, alic nandanj, tañ kêtêtôm amac gêmoa nanj, amboac gêñ kainj teñ, tañ kêtap amac sa nanj atom.

¹³ Têmtac njajam êsa gebe awê kainj Kilisinê nandanj awiñ. Ma êndênj noc eñ eoc nê njawasi lasêña nanj, amac oc atu samuc totêmtac njajamgeñ.

¹⁴ Embe sêmbu amac êtu Kilisinê nêña, oc aoc êôc amac, gebe Anôtônê Njalau njawasi wacêpi amac.

¹⁵ Amacnêm teñ êôc nandanj amboac njac, tañ gêjac njamalac êndu me gêjam geñgeñ gêñ me gêgôm sec me kêgabec launêñ kôm palin-palingeñ nanj atom.

¹⁶ Mago amac embe aôc nandanj atôm Kilisinê lau, nanj majem atom. Alambinj Anôtô gebe kêkêñ amac awê kainj nê tonanj.

¹⁷ Noc kêdabinj gebe Anôtô êmêtôc binj ênac m anja eñ tau nê gôlôac. Embe êngôm êndênj aêac amboac tonanj, ma êsêac, tañ tañenpêc gêdênj Anôtônê njawae njajam nanj, oc êngôm êsêac amboac ondocgeñ.

¹⁸ “Anôtô embe ênam lau gêdênj kêsi, oc njalênj njawapac,
ma lau geo to lau sec oc amboac ondoc.”

¹⁹ Amboac tañ êsêac, tañ sêôc nandanj kêtôm Anôtô taê gêjam nanj, sêsa nêñ lênj njajam to sêsakinj katunj êndênj njac njanênj, tañ kêkêñ gêñ samob nanj.

5

Tajop Anôtônê domba

¹ Aê jalênj binj laumata, tañ sêmoa amac njalêlôm nanj. Aê laumata teñ katôm amac ma galic Kilisi

gêôc nandan ma oc jawê kainj nawasi, tañ mênêtu awê êtu njamu nañ.

² Ajop Anôtônê domba naton, tañ kékêñ gédên amac nañ, ma ajop êtu sêkac amacña atom. Taôm anğôm anac nawae êtôm Anôtônê biñ. Anğôm êtu awa geonja atom, anğôm êtu nêm sakin topalêgenja.

³ Ajop êsêac, tañ sêsêp amac lemema nañ amboac gôlinwaga, tañ sêkônin nêñ gôlôac nañ atom. Atu nadoñdôn najam êndên nêm domba naton.

⁴ Ma gejobsêga tau embe êo lasê, go amac akôc nawasi nasunsuñ, tañ ênaña atom nañ.

⁵ Amac lau wakuc amboac tonañ. Asô lau nanô nalabu. Amac samob akônin taôm to anam sakin taôm êndên-êndêngeñ, êtôm teto gêc gebe “Anôtô êkô lau, tañ tetoc taun sa nañ auc, ma êkên moasin êndên êsêac, tañ sêkônin taun nañ.”

⁶ Amboac tonañ akônin taôm asô Anôtônê lêma najanja nalabugen, ec etoc amac sa êndên nanoc.

⁷ Gêñwapac samob, tañ kêkônin amac nañ, apô êpi en êna, gebe en gejob amac.

⁸ Tekwem saki ma anam jaligen, gebe amacnêm najco Sadan kêsêlên kêtanj-kêtanj amboac lewe ma gesom nê gên gebe êndanğôn.

⁹ Anğamin taôm êndên en ma akên êwin najanja. Ma ajala gebe amacnêm lasitêwai, tañ sêmoa nom najamên samob nañ, sêoc nandan tau tonañ têtôm amac.

¹⁰ Moasin samob natau Anôtô, tañ gêbin amac to Kilisi tôn nañ, kêkalem amac gebe akôc ênê nawasi tengeñja. Oc akôc nandan têlagen ma en tau mênênac dabin amac to êpuc amac tôn, ma êkên najclai êndên amac to ênsuñ amac sa akô najanja.

11 Najaņa êndêj eņ endenj tôngeņ. Biņņanô.

Petere gêjac mata nê biņ

12 Aê kato papia dambê tonañ gêdêj amac ma lasic Silwana, taņ galic eņ amboac ñac ñañêj naņ, gêjam aê sa. Aê galêj biņ to gawa sa gêdêj amac gebe Anôtônê moasiņ ñanô tau tonec. Akô ñajaņa akô moasiņ tau ñalêlôm.

13 Gôlôac dabuņ aņga Babel, taņ Anôtô kêjaliņ êsêac sa sêwiņ naņ, awenj gêjac amac, ma latuc Marka amboac tonañeņ.

14 Aê moalêc taôm to akôc taôm sa totêmtac êwiņeņ.

Biņmalô êndêj amac samob, taņ Kilisi gêbiņ amac tõe naņ êwac.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb